

Claudii Fleurii Abbatis Historia Ecclesiastica

Ab anno Christi 1589. usque ad annum 1595 - Una Cum Criticis R.P.
Honorati A S. Maria Carmel. Discalc. Observationibus In Historiam
Ecclesiasticam Abbatis Fleurii

Fleury, Claude

August. Vind. [u.a.], 1772

VD18 90118669

§. 47. Marci Sitici Altempsii Cardinalis obitus.

[urn:nbn:de:hbz:466:1-67252](#)

Sacra. XVI. rum mulierum ad honestam vitam se conver-
tentium probatione: his quoque pro ea-
rum sustentatione subsidia assignans Ju-
dicem specialem deputabat, ad ejus-
dem Monasterii, ejusque personarum,
& Officialium lites dijudicandas.

A C 1595.

Tertio diplomate die decima septi-
ma Octobris edito approbatur Catalo-
gus, seu Index librorum prohibitorum
a Pio IV. jam confirmatus, nuperque
auctus: insuper facultas Cardinalium
Congregationi super indice, ad deciden-
da dubia desuper emergentia stabilitate
datur.

Quarta Constitutione Pontifex die
decima octava Decembbris declarat,
quod in criminis *Assassinii contra personas*
ecclesiasticas, declaratio spectet ad *Judicem*
ecclesiasticum, contra Milites vero, alia-
que personas *Conventus*, & *Hospitalis*
S. Joannis Ierosolymitani pertineat ad eo-
rum *Superiores*, adjuncto *Episcopo loci*,
antequam *Judices* *seculares* aliquam decla-
ratoriam desuper ferant, vel ad paenarum
executionem deveniant, non obstantibus
quibuscumque statutis, legibus, aut
privilegiis in contrarium editis.

§. XLVII.

Marci Sitici Altempsi Cardinalis
obitus.

Hic

Hic pariter annus quatuor Cardinali-Sæcul. XVI.
 bus Altempcio, Verdalo, Castruc- A.C. 1505.
 cio, & Buccafocio erat exitialis, quos
 inter primus Marcus Siticus Altempsius *Ciac. in vit.*
 in Germania ex illustri Comitum *Pont. t. 3.*
 Altempiorum Familia in Diæcesi *pag. 933.*
 stantieni ortus, Patrem habuit Theo. *Ughel t. 4.*
 doricum Wolfgangum S.R. Imperii Co- *Sacra. Ga-*
 mitem, Matrem vero Claram de Me- *bat. in vit.*
 dicis Pii IV. Papæ Sororem: porro Mar-
 cus die decima nona Augusti anno sa-
 luti nostræ millesimo quingentesimo
 trigesimo tertio natus, juvenis adhuc,
 quamvis illum ejus Mater ad sacræ mi-
 litiae statum impense hortaretur, pro-
 fanæ militiæ sub Avunculo suo Jacobo
 Medicæo nomen dederat, tantaque ani-
 mi voluptate arma tractaverat, ut e-
 tiam Cardinale Medicæo altero avun-
 culo suo ad summum Pontificatum e-
 vecto nondum hoc vitæ genus deseruis-
 set, nisi quidam intervenisset eventus,
 quem non sine manifesto vitæ discri-
 mine eluctatus fuerat, unde ferme pro-
 digiosa hac vitæ suæ conservatione
 commotus, absque ulteriori tergiver-
 satione depositis armis habitum cleri-
 calem induit, maxima cum lætitia
 Pii IV., qui comperta hac vitæ muta-
 tione Marcum cernere exoptavit, nul-
 loque alio facto experimento illum
 quantocius Cassanensem in Calabria Epi-

Sæcul. XVI. scopum nominavit, insuper eundem anno Incarnationis Dominicæ millesimo quingentesimo sexagesimo primo Sedis Apostolicæ Nuntium pro convocanda Tridentina Synodo ad Ferdinandum Imperatorem ablegavit, eodemque anno primo Cardinalibus Diaconis, & paulo post Presbyteris accensebat, qua obtenta dignitate Altempsius mox Casanensem Episcopatum dimisit: cum vero a Canonicis Constantiensibus in Episcopum eligeretur, hujus Ecclesiæ regimen acceptavit, ac tum a Papa Avenionensi Legatione, necnon Archipresbyteri apud sanctum Joannem in Laterano, & supremi Pœnitentiarii dignitate auctus Casæ-novæ Abbatiam in Salutiarum Diæcesi obtinuit: præterea Legatione Piceni ab eodem Pontifice ornatus totam hanc ditionem ab exilibus illam vexantibus expurgavit.

Ceterum dum Pius IV. Concilium Tridentinum indixerat, ac Mantuanum, Seripandum, & Hosium Cardinales tanquam Præfides eo decreverat, eis quoqne Simonettam, & Altempsum adjunxit, ubi etiam Marcus a Mense Januario anni post Christum natum millesimi quingentesimi sexagesimi secundi usque ad primum subsequentis anni perstittit, tandem autem a Papa revocatus ad conscribendas copias

copias designabatur, si forte illæ nefes- Sæcul.XVL
A.C.1595.
fariæ forent ad repellendos hostiles im-
petus, quos Saxonæ, & Wittembergæ
Duces, necnon Hassiæ Landgravius
una ex parte minitabantur, ex altera
vero Germani, ut fama ferebat, Ro-
manam urbem deprædari parabant.
Postea Altempsius mortuo Ferdinando
ad Maximilianum Imperatorem Lega-
tus a latere decretus Constantiæ pro
restauranda disciplina, & emendandis
Cleri sui moribus Synodum celebrabat:
interfuit etiam Anno a partu Virginis
millesimo quingentesimo sexagesimo
quinto Comitiis Augustanis, cumque
Gregorius XIII. in Papam electus Ro-
mæ Collegium Germanorum a Julio III.
incœptum amplificare decerneret, Mar-
cum Cardinalem Altempsum unacum
Cardinalibus Joanne Morono, Alexan-
dro Farnesio, Ptolomæo Novocomensi,
& Ludovico Madrutio Patronum, hu-
jusque Collegii Protectorem nomina-
bat. Obiit tandem Romæ die decima
quinta Februarii anno ætatis suæ sexa-
gesimo secundo, sepultusque est in fa-
cello a se exstructo in Ecclesia sanctæ
Mariæ Transtyberim, cuius titulum
obtinuerat.

L 1 3 §.XLVIII.